



UNIVERSITÄTS-
BIBLIOTHEK
PADERBORN

CAtalogus sancto//rum [et] gestor[um] eor[um]

Petrus <de Natalibus>

Lugduni, 1508

De sancto Claudio. Cap[itulum]. xxvij.

[urn:nbn:de:hbz:466:1-70797](https://nbn-resolving.org/urn:nbn:de:hbz:466:1-70797)

illud. Lapis reuersus ad vomitū suū: et sus lo-
 ra iterū in volutationē luti. Tertio lauit pedes
 spiritaliter aqua sui sanguinis. De quo dicitur
 apocal. ij. Lauerunt stolas suas in sanguine
 ne agni et dealbauerūt eas. Ex quo magis san-
 guis xpi dealbare dicitur. videtur quod habet vir-
 tutem lactis: et non sanguinis. Lac enim est san-
 guis in vberibus excoctus. Sanguis autem xpi
 fuit excoctus in corpore suo et in corde nostro.
 In corpore suo fuit excoctus igne amoris sui
 qui tam vehementer in corpore suo ebullit: quod
 aperito latere cum impetu emanauit. In corde
 autem nostro sunt duo vbera: scilicet intellectus
 et affectus. Dicitur autem excoqui in vberibus in-
 tellectus per meditationem: et in vberibus affectus
 per deuotionem: et sic sanguis xpi in suo corpore: et in
 nostro corde per meditationem et affectionem ver-
 titur in albedinem: et animas nostras dealbat
 et mundat. Apocal. i. Lauit nos a peccatis nos-
 tris in sanguine suo. Tertio accepit xps perso-
 nam episcopi quando: scilicet panem et vinum in cor-
 pus suum transmouit et apostolis potestatem
 cōficiendi dedit. Et ista est maior potestas que
 vniquam homini data fuit. Est enim potestas dei ma-
 gna facere aliquid de aliquo: sicut quando fecit
 hominem de terra et eum de costa adē. Est et
 alia potestas dei maior: sicut de nihilo aliquid
 facere: sicut fecit celum et terram. Est et tertia
 maxima sicut de creatura creatoris. Istam pote-
 statem non dedit angelis: sed solis sacerdotibus:
 quia diuina virtute in corpus et sanguinem spe-
 cialiter panis et vini conuertitur. Unde eusebius.
 Inuisibilis sacerdos. i. xps per ministros suos
 osuibilis creaturas in corpus et sanguinem suū
 sacra potestate conuertit verbo suo: scilicet illo
 hoc est enim cor. et c. Unde non debet aliquis ar-
 tendere ad visum suū. quia visus putaret se vi-
 dere colorem panis: nec ad gustum: quia puta-
 ret se sentire gustum panis: nec ad olfactum: quod
 putaret se sentire odorem panis et vini: sed at-
 tribuere debet ad auditum: quia cum audit conse-
 crationis verba ita est oīno sicut audit. Hoc est
 enim cor. et c. quod significatum est. Gen. xxvij. in
 isaac qui cum benedixisset iacob fuit deceptus
 eius visus: quia oculi sui calcauerant et ipsum
 non agnouit. Fuit deceptus olfactus: quia cre-
 didit se sentire odorem vestimentorum esau. Fu-
 it etiam deceptus gustus: quia credidit se com-
 edere de venatione esau: et comedit de venatio-
 ne iacob. Fuit et deceptus in tactu: quia puta-
 bat se tangere manus esau: et tangebatur manus
 iacob. Sed auditus qui vocem iacob audiuit
 non fuit deceptus: imo dixit. Vox quidem iacobi
 est. Sic etiam in isto sacramento omnes alij
 sensus decipiuntur preter auditum: et ideo om-
 nes qui fideles audiunt verba consecrationis fir-
 miter et veraciter credere debent: quod corpus xpi
 est et sanguis eius.

De sancto Claudio. Cap. xxvij.



Claudius

ex nobili salis-
 nensium prin-
 cipum: seu pa-
 latinorum ge-
 nealogia ortū
 duxit. Qui vsq; ad septennium
 perugili cura in domino pa-
 rentum in dei timore nutritus:
 postea probatissimis literarum
 magistris instruendus traditur. Sub qui-
 bus in breui: non solū artes quas liberales vo-
 camus: verū etiā libros veteris ac noui testamē-
 ti cum diuersis gestis sanctorū pius adolefcēs
 sedule perlegendo apprehendit. Erat enim iā
 in hac etate ingenio docilis: corde feruidus: et
 sanctis operibus totus deditus: nec sinebat diem
 aliquem sine bonis operibus pertransire. Et il-
 cet iuuenis esset etate: nihil tamē puerile ges-
 sit in opere. Nunquā in foris choristationibus:
 seu quibuscumq; mūdantis spectaculis inuenit:
 sit: sed personis religiosis et honestis se associās
 cum eis dulciter de virtutum exercitijs confes-
 rebar. Lanius verba iam sale sapientie condita
 intantū rationabilis: ac dulcia erant: quod omnium
 ad se prouocabant affectum. Quapropter pro-
 uecti et sapientes ipsum plurimum diligebant ve-
 lut puerulum sanctū et virtuosum: alij vero ado-
 lescentem affabilem et prudentē venerabantur.
 Personis autem inhonestis: aut scurrilibus se
 subtrahens consortia ipsorum omnimodē fugie-
 bat. Nunquā cum mulieribus iuuentibus absq;
 rationabili causa locutus fuit: nec de qualicum-
 que neppando verbo vel opere: non de risu inhone-
 sto: vel aliqua alta animi leuitate est notatus.
 Super omnia vero ecclesias dei frequētabat: pri-
 cipue dominicas et festiuis diebus missas cum
 ceteris horis canonicis et sermones diuinos cum
 summa deuotione auscultando. Crescente igi-
 scitatis eius fama cum iam vicesimum etatis sue
 annū attingisset: sperta militiā seculari in cano-
 nicum bñsuntinēsis ecclesie est electus. Unde
 quotidie in melius proficiens horis canonicis
 diurnis pariter et nocturnis studuit interesse.
 Libros sacre scripture diligenter reuoluere: et
 per omnia sicut verus dei famulus absq; repre-
 hensionis nota se habere. Tantūq; breui tem-
 poris spacio diuina gratia ipsum prosequente
 in operibus sanctis sacraque doctrina claruit: ut
 in totius burgū die finibus equalis sibi nequa-
 quā inueniretur: quod in libris quos edidit qui
 vsq; nunc in monasterio iurenfi permanent cla-
 rius perpedit potest. Singulis diebus exceptis
 diuicis et festis solenniōribus: non nisi semel in
 die refectionē sumebat. Sepe noctes in oratio-
 ne lectione siue sancta meditatione perugiles
 ducebat. Lastū se et mundum ab omni coinquil-
 natione custodiebat: in vestimentis mediocri-
 bus

L iij

De sancto claudio

in moribus humilem: in verbis veracem: dulcē
et affabilem exhibebat: ita ut singulis virtutum
moribus ornatus iam verus monachus ab om-
nibus crederetur. Duodecimo canonizatus sui
anno p̄sul memorate civitatis infirmari cepit
corpore. Unde beatissimus claudius timēs qđ
etiam postmodū evenit: ne se in pontificē eli-
geretur locū ad tempus deseruit: et ad suos pa-
rentes dōnos se; salinē. properavit. A quibus
benigne susceptus cum eis per aliquod tēpus
in sancta conversatione vivendō permanebat.
Contigit autem p̄dictum archiep̄sulem in-
terim viam uniuerse carnis ingredi. Quapro-
pter populus cum clero discordiam non modicā
de eligendo ep̄scopo habebant: illis vnū:
alijs nō alium volentibus. Tandem vnanimēs
in oratione se prostrauerunt cum lachrymis hu-
militer supplicantes: quatenus meritis sue ge-
nitricis: et sancti ioh̄nis baptiste eorum patro-
ni et omnīū sanctorum dominus eis misericor-
diter inspirare dignaretur quē in pastorem ec-
clesie sue eligere deberent. Quibus in oratiōe
perseuerantibus mox de celo vox insonuit que
ipsos ut a fetu cessarent et beatum virum clau-
dium eligerent anonuit. Tunc canonici scripsi-
cati ip̄m vnanimiter elegerunt et statim hono-
rabiliores totius ecclesie et civitatis viros pro-
cius consensu obtinendo ad oppidum salinē
se destinauerunt. Quid plura. Dulcis precib⁹
ac lachrymis victus sciens voluntariē diuine re-
sistere non posse: ad ciuitatem bisuntinē. duci
tur imo portius trahitur: archiep̄s cōsecratur:
et per summū pontificē eius canonice electio
approbat pariterq; cōfirmatur. Anno domini
ccccxxvi. Archiep̄s igitur effectus eandem
quam pius humilitatem et morum grauitatem
in omnibus semper seruabat: et sicut fidelis ser-
uus et prudens familiam domini cum ecclesijs
sibi creditis feruenti zelo gubernabat. Causas
ecclesiasticas horis debitis benigne audiebat:
et in ecclesiasticas sanctiones optime iudi-
cabat. Nunq̄ tamen propter queuis negocia se-
cularia: nisi euidentis necessitas incubuisset ec-
clesiam potius quibus diuina celebrabantur dis-
miserit. Prouinciam siue diocesis sue ecclesias se-
pe visitabat: et sicut bon⁹ pater familias qui tu-
sta dominicam sententiā de thesauro suo pro-
ferens noua et vetera suis dulcissimis exhorta-
tionibus bonos et fideles ut in melius profice-
re studerent: et delinquentes siue errantes ut se
emendaret sollicitè amonuit. Erat profundissi-
me litterature. In assidua etiā cōtemplatione
eius spiritus etiā supramodū eleuatus erat: et
tamen propter marie cōtemplationis ocium
nō deseruit marthe officium laboriosum: quin
etiam septem operibus misero: die toto cona-
mine insisteret. Cū igitur iam septē annos ec-
clesie sue p̄fuisset: diuino preuentus amore
magis ac magis accensus: cūctas huius seculi

diuitias et seculares p̄pas declinare cupens:
ut in sui creatoris cōtēplatione plenius vaca-
re posset: cunctis bene dispositis vrbem suam
p̄dicram: palacidaq; et castra et cetera loca ar-
chiep̄scopalia amena et delictosa dereliquit: et
ab angelo p̄monitus ad monasterium sancti
eugendi: siue iurens in confinio bisuntinensis
diocesis situm aduenit: ibiq; habitum et vitam
monasticā in beatissimi Benedicti patris re-
gulam assumpsit. Tante autem sanctitatis et p̄-
fectionis fuit: ut omnīū que in hoc mundo sunt
oblitus: solum in omnipotentis dei amore fla-
graret. In orationibus vigilās: in ieiunijs assi-
duus: in vigilijs feruidus: in sanctis lectionib⁹
et meditationibus preclarus: et in ordinis sui
regulam: sicut verus monachus vivebat. In di-
uinis nō officijs peragendis: aut celebrandis:
primus omnium ecclesiam intrabat: et vltimus
inde recedebat. Sicq; omnes ad perfectionē
monasticam prouocabat: intantū ut iniuriosus
eiusdem monasterij: tunc abbas vix vix sum-
me sanctitatis et prudentie ei regimē ip̄ius mo-
nasterij cum multa instantiā et humilitate p̄-
sentaret: ut oues dominicas ibidem congregas-
tas gubernare dignaretur. Vir autem sanctus
cum multa mansuetudine hoc recusauit. Verū
tamen expletis quinq; annis cum p̄dict⁹ pa-
ter iniuriosus ad dominum plenus meritis mi-
grasset venerabiles fratres et domini dicti con-
uentus ipsum vnanimiter in eorum abbatē ele-
gerunt: et tandem vix multis deuictus precib⁹
assensum prebuit. Sic claudius q̄tum in hoc
mundo se humiliare studuit tāto plus apud de-
um et homines exaltari meruit. Quod vix nō
sine diuina dispensatione factum esse creditur
ut in loco vbi plures flouerunt sancti: sanctis-
simus archiep̄sul adunaretur et locus ip̄se infi-
gnit⁹ efficeretur. Dulci ergo non solum cleri-
ci: verū etiam nobiles et burgenfes andita san-
ctitatis eius fama ad ipsum confluxerunt: san-
cte cōversationis habitū instanter postulantes.
Quos vir sanctus absq; difficultate et per-
sonarum acceptione recipiebat: eosq; ad perfe-
ctionis culmina summopere prouebat. Qua-
les nō filios spirituales ibidem enutruerit nō
est nostrum dicere: presertim cum quisquis ip̄-
sum sanctum locū visitando ex multitudine san-
ctorum corporum: qui nunc ibidem venerantur
clare perspicere potest. Possessiones etiā tem-
porales quibus christi famuli sustentari possent
in dñi p̄missōe dicentis. Quicūq; reliquerit
domū: aut agros: aut patrē: aut matrē propter
me et centuplum in hoc mundo percipere me-
ruit: a fidelibus videlicet regibus et principib⁹
inter quos clodoueus rex: qui tunc franciā gu-
bernabat monasterio ipsius annuatim. l. modis
tristici et totidē ordei cum quinquaginta libris
denariorum argenti perpetuis temporibus da-
ri constituit. Pauperibus nō p̄p̄ et hospitibus

superuentibus omnem humanitatem in ele
mofynarum largitionem exhibuit. Ornamen
ta ecclesie scilicet libros calices cum crucibus
et candēlabris aureis et argenteis pannis ferti
cis et alijs diuinū cultum cernentibus maxime
augmentauit: et sanctorū reliquias in capsulis
preciosissimis reuerenter collocauit: domos
ipsius monasterij ac edificia decenter reforma
uit. Anno igitur quarto childeberti regis fran
corum cum iam claudius pater sanctissimis an
nis quinquaginta seruis christi in predicto mo
nasterio laudabiliter prefuisset senex multum
et plenus dierū totis uisceribus ad dominū su
spirans: immunis etiam ab omni macula inci
dit in quendam infirmitatē leuem. Presciens
ergo obitus sui diem imminere: tertia die om
nes monachos suos conuocari iussit ad se lu
culentissimū sermonē eis faciens: dulcibus ex
hortationibus eos monendo ut super omnia di
uino amorī nihil preponerent: et omnes presen
tis mundi delectationes amore eternoꝝ sper
nerent: ac de recessu suo intime contristarent.
Eunq; singulos de recessu suo uerissime flen
tes cerneret misericordie uisceribus motus
quibus semper affuebat: accepta ab omnibus
pace eos ad cellas destinauit: totamq; noctem
sequentem in orationibus peregit. Quarta ho

die in oratorium pergens sacramenta peniten
tie cum perceptione corporis christi totus pro
fusus lachrymis deuotissime suscepit: et inde
ad cellam suam reductus: ne corpus suus alibi
q̄ in ipso monasterio ad uitandas seculi pom
pas sepeliri p̄cepit. Quinta igitur die circa ho
ram diei nonam reclinatus super scannū super
quod legēdo vel orādo sedere aut stare consueue
rat: erectis sursum brachijs: cōiunctis manibꝫ
oculis ad celū suspiciētibꝫ sanctissimā suam
animam domino tradidit expirando. Eius cor
pus in predicta ecclesia sancti eugēdi usq; nūc
omnibus aduenientibus incorruptum et inte
grū demonstrat innumeris conuiscans miracu
lis. Festum autē eius celebrat. viij. idus iunij.

Catalogi sanctorum per Reuerendissimū
dominum Petrum de Natalibus uenerum epi
scopum equilinum edicti opus finit feliciter.
Lugduni impressum per Laudum dauost al's
de troys. Impensis honesti uiri Stephani guey
nard eiusdē ciuitatis ciuis et bibliopola. Anno
domini millesimo quingētesimo octauo. xv. ka
lendas Junij.